

SWIBALO SWA MINDZHWALO NA SWIBALO EKA VAFAMBI

Xana i yini mpfumelelonkaxibalo?

Mfanelo ya mpfumelelonkaxibalo yi nga aviwa hi:

1. Mpfumelelonkaxibalo

- Loko u ri mufambi u faneriwile hi ku tundza tinhundzu ku fikela eka nxavo wa R5 000 hi munhu (swirho swa ntlawa ku katsa na mufambisi / muhahisi va faneriwile ku fika eka R700) handle ko hakela xibalo xin'wana na xin'wana xa ndzhwalo kumbe xibalo; naswona
- Loko u ri mufambi wo suka eka matikoswirho ya Nhlango wa Khasitomo wa le Dzongeni wa Afrika (SACU) a wu fanelngi ku hakela swibalo swa khasitomo naswona va faneriwile hi ku ka va nga hakeli VAT eka tinhundzu ku fikela eka nxavo wa R5 000.

2. Tinhundzu leti Dyiwaka

- Loko u ri mufambi, u faneriwile hi ku tundza tinhundzu leti nga hakeriki xibalo xa mindzhawlo na xibalo (swirho swa ntlawa ku katsa na mufambisi / muhahisi a va pfumeleriwangi nchumu) leswi nga tluriki mipimo leyi vekiweke, leyi nga:
 - Tisigarete leti nga hundziki 200;
 - 20 wa tisigara;
 - Ntiko lowu hlanganisiweke wa 250g wa fole ra phayiphi na /kumbe fole ra sigarete;
 - Tilitara timbirhi ta wayeni;
 - Litaro yin'we ya swinwiwa swa xihoko (ku katsa na biya);
 - Fendlele ya 50ml na 250ml *eau de toilette*;
 - Tinhundzu leti dyiwaka leti tlulaka mpimo ti nge koxiwi ehansi mpfumelelonkaxibalo. Xibalo hinkwaxo na VAT swi fanele swi hakeriwa eka mitlulo yaleyo ya mpimo.
- Swilo leswi endlweke hi voko
 - Vafambi lava sukaka eka SACU kumbe matikoswirho ya Nhluvukisovaaki wa le Dzongeni va pfumeleriwa ku tisa eAfrika-Dzonga swilo leswi endlweke hi mavoko swa dzovo, tihunyi, pulasitiki kumbe nghilazi loko ku ve tinhundzu leti a ti hundzi 25kg hi mpimo, handle ka hakelo ya swibalo swa nhundzu na swibalo.
 - Tinhundzu leti (loko ku ve a ti hundzi mimpimo leyi vuriweke) ti nga ha tivisiwa eka DA 331 ku nga langutiwi leswaku ti nga ti kongomisiweke eka swikongomelo swa bindzu.